



BOSNIA AND HERZEGOVINA  
INSTITUTE OF METROLOGY  
OF BOSNIA AND HERZEGOVINA

Broj: 02.1-16-4-MA-1034-13/24  
Sarajevo, 08.11.2024. godine

Na osnovu člana 61. Zakona o upravi („Službeni glasnik BiH“ br. 32/02, 102/09 i 72/17), člana 69. stav (2) tačka d) i člana 70. st. (1), (4) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, br. 103/14 i 49/23), a na Preporuku Komisije za nabavku broj: 02.1-16-4-AR-1034-11/24 od 05.12.2024. godine, u postupku javne nabavke laboratorijske opreme, prenosnog mjerila-kalibrator malih protoka gasa, direktor Instituta za mjeriteljstvo Bosne i Hercegovine donosi

**ODLUKU**  
**o poništenju postupka javne nabavke**

**Član 1.**

Poništava se postupak javne nabavke roba za potrebe Instituta za mjeriteljstvo Bosne i Hercegovine, laboratorijske opreme, prenosnog mjerila-kalibrator malih protoka gasa, iz razloga što jedina primljena ponuda nije prihvatljiva.

**Član 2.**

Ova odluka objavit će se na web-stranici Instituta za mjeriteljstvo Bosne i Hercegovine [www.met.gov.ba](http://www.met.gov.ba) istovremeno sa upućivanjem ponuđaču koji je učestvovao u postupku javne nabavke, u skladu sa članom 71. Zakona o javnim nabavkama.

**Član 3.**

Ova odluka stupa na snagu danom donošenja.

**Obrazloženje**

Postupak nabavke laboratorijske opreme, prenosnog mjerila-kalibrator malih protoka gasa, pokrenut je Odlukom o pokretanju postupka javne nabavke broj: 02.1-16-4-MA-1034-2/24 od 04.10.2024. godine.

Javna nabavka je sprovedena putem otvorenog postupka.

Procijenjena vrijednost javne nabavke bez PDV-a je 11.100,00 KM.

Obavještenje o nabavci broj: 648-1-1-47-3-14/24, poslato je na objavljivanje na portal javnih nabavki dana 14.10.2024. godine, a objavljeno je na istom portalu dana 14.10.2024. godine.

Komisija za nabavku imenovana je Odlukom o imenovanju Komisije za nabavku laboratorijske opreme, prenosnog mjerila-kalibrator malih protoka gasa broj: 02.1-16-4-MA-1034-5/23 od 14.10.2024. godine.





Komisija za javnu nabavku laboratorijske opreme, prenosnog mjerila-kalibrator malih protoka gasa, dostavila je direktoru Instituta za mjeriteljstvo Bosne i Hercegovine Zapisnik o pregledu i ocjeni ponuda broj: 02.1-16-4-AR-1034-9/24 od 05.12.2024. godine, Izvještaj o radu broj: 02.1-16-4-AR-1034-10/24 od 05.12.2024. godine i Preporuku o izboru najpovoljnijeg ponuđača broj: 02.1-16-4-AR-1034-11/24 od 05.12.2024. godine.

U postupku po Izvještaju o radu je utvrđeno, da je komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljena 1 ponuda,
- da je blagovremeno primljena 1 ponuda,
- da nije bilo neblagovremeno primljenih ponuda.
- da ponuda ponuđača „MICOM BH“ d.o.o. Sarajevo, nije dostavljena u skladu sa tenderskom dokumentacijom.

Komisija je pregledom ponude ponuđača „MICOM BH“ d.o.o. Sarajevo, utvrdila da dostavljena ponuda nije prihvatljiva jer ponuđač nije dostavio obične kopije dokumenata kojima se dokazuje vjerodostojnost date Izjave o ispunjenosti uslova iz člana 45. ZJN koji su traženi tačkom 5.1.4 tenderske dokumentacije

Na osnovu navedenog, Komisija je zaključila da je ponuda ponuđača „MICOM BH“ d.o.o. Sarajevo neprihvatljiva, jer ne zadovoljava tražene uslove iz tenderska dokumentacije.

U postupku ocjene provedenog postupka, direktor Instituta za mjeriteljstvo Bosne i Hercegovine nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke komisije za nabavku.

U postupku je utvrđeno da je Komisija u svemu pravilno postupila, te da je Preporuka o poništenju postupka nabavke data u skladu sa Zakonom o javnim nabavkama, podzakonskim aktima i tenderskom dokumentacijom.

U skladu sa odredbama Zakona o javnim nabavkama, cijeneći prethodno navedeno, komisija je jednoglasno dala preporuku direktoru Instituta za mjeriteljstvo Bosne i Hercegovine da donese odluku o poništenju postupka javne nabave na osnovu odredbe člana 69. stav (2) tačka d) kojim je definisano da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

**Pouka o pravnom lijeku:** Protiv ove odluke može se izjaviti žalba, najkasnije u roku od 10 (deset) dana od dana prijema odluke o poništenju postupka. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Institut za mjeriteljstvo Bosne i Hercegovine, Branilaca Sarajeva broj 25, 71000 Sarajevo.

Žalba se podnosi u najmanje 3 (tri) primjerka.

  
**DIREKTOR**  
  
**Milica Ristović Krstić, mr**

Dostavljeno:

- Ponuđaču MICOM BH d.o.o. Sarajevo
- WEB stranica IMBIH-a
- a/a